

ARNAT PISINNAATITAAFFII PILLUGIT ISUMAQATIGIISSTUT ATUARUMINARSAGAQ

+ARNAT NAKUUSERFIGINEQARTARNERANNIK ANGERLARSIMAFFINNILU
NAKUUSERTOQARTARNERANIK PINAVEERSAARTITSINISSAQ AKIUINISSARLU
+ AKUERSISSUTEQARNISSLAMUT INATSIT



**ARNAT PISINNAATITAAFFII PILLUGIT
ISUMAQATIGISSLUT ATUARUMINARSAGAQ**
+ARNAT NAKUSERFIGINEQARTARNERANNIK ANGERLARSIMAFFINNILU
NAKUUSERTOQARTARNERANIK PINAVEERSAARTITSINISSAQ
AKIUINISSARLU
+ AKUERSISSUTEQARNISSLAMUT INATSIT

Sulinummik aqutsisoq: Kristina M. Kristensen, Inuit Pisinnaatitaaffii pillugit
Siunnersuisoqatigiit
Aaqqissuisut: Kristina M. Kristensen & Natuk Rosing Fleischer, Inuit
Pisinnaatitaaffii pillugit Siunnersuisoqatigiit
Inatsisilerinikkut siunersioqatigisaq: Nina Theodora Vester-Andersen, Institut for
Menneskerettigheder
Saqqummerseqataasut: Nali - Kalaallit Nunaanni Naligiissitaanissamut
Siunnersuisoqatigiit

Ilusilersuisoq: Sacha Malinsky
Ilioqqarnera: Hedda Bank
Saqqaata assitaa: Aningaaq R. Carlsen, Visit Greenland
Naqiterneqarfa: Nuuk Offset Aps

ISBN: 978-87-973972-5-1
e-ISBN: 978-87-973972-6-8

© 2024 Inuit Pisinnaatitaaffii pillugit Siunnersuisoqatigiit aamma Inuit
Pisinnaatitaaffii pillugit Institutti

Saqqummersitaq una taassumaluunniit ilaa issuagaq erseqqissumik allallugu
niuernerunngitsumi atugassatut issuarneqarsinnaavoq.

Saqqummersitatta paasiuminartuunissaat anguniarparput. Assersuutigalugu
naqinnerit angisuut, titarnerit naatsut, oqaaseqatigiit ikittut, oqaatsinik avissinerit
ikittut, tunuliaquttaa erseqqarissoq aamma sinaakkusikkat erseqqarissut
atorpavut.

**PISINNAATITAAFFITIT
ILISIMANERULIKKIT**



IMAI

1	INUIT PISINNAATITAAFFII AAMMA ARNAT PISINNAATITAAFFII PILLUGIT ISUMAQATIGISSLUT	4
	Arnat Pisinnaatitaaffii pillugit Isumaqtigissut CEDAW	5
	Naalagaaffiup pisussaaffii	6
	Malunnaatilimmik naligiissuseq	7
	Immikkoortinnejarnissap inerteqqutaanera	10
2	ARNAT NAKUUSERFIGINEQARTARNERANNIK ANGERLARSIMAFFINNILU NAKUUSERTOQARTARNERANIK PINAVEERSAARTITSINISSAQ AKIUNISSARLU PILLUGIT EUOPARÅDIP ISUMAQATIGISSLUTAA	12
	Siunertaq	13
	Isumaqtigissutip imarisaa nutaaliorfiusoq	14
	Innuttaasut akornanni isummamik allanngortitsineq	16
	Kia Isumaqtigissut nakkutigissavaa?	17
3	AKUERSISSUTEQARNISSAMUT INATSIT	18
4	APEQQUTIT EQQARSAATISSIONTUT	22
5	NALUNAARSUKKAT	23

1

INUIT PISINNAATITAAFFII AAMMA ARNAT PISINNAATITAAFFII PILLUGIT ISUMAQATIGISSLUT

Inuit tamarmik inuttut pisinnaatitaaffeqarput. Qanorluunniit suaassuseqaraluarunik.

1948-mi Naalagaaffiit Peqatigiinni nunat ilaasortat 48-t Naalagaaffiit Peqatigiit Inuit Pisinnaatitaaffii pillugit Nunarsuarmioqatigiinnut Nalunaarutaat akuersissutigaat. Nalunaarummi pisinnaatitaaffinnik tunngaviusunik inunnut tamanut atuuttunik qitiusitsinissamik qulakkeerinninnissaq siunertarineqarpoq, inuillu tamarmik kiffaanngissuseqarlutik naligiillutilu inunngortarnerannik takorluuinermik tunngaveqarluni.¹

Sorsunnersuit aappaanni inunnik innarliinerit takutippaat innuttaasut namminneq nunaminni innarlerneqarsinnaanerannut illersorneqarnissaat pisariaqartoq. Taamaasilluni inuit ataasiakkaat naleqassusaannik illersorneqarnissamillu pisariaqartitsinerannik ukkassinikkut nalunaarut akuersissutigineqarpoq.



**Arnat Pisinnaatitaaffii pillugit
Isumaqatigiissut pingasunik
toqqammaiviligaavoq:**

- 1) Malunnaatilimmik
naligiissuseq**
- 2) Immikkoortitsinnginneq**
- 3) Naalagaaffiup pisussaaffii**

Nunarsuarmioqatigiit nalunaarutaanni artikel 2 ima oqaasertaqarpoq:

"Kinaluunniit taakkuninnga pisinnaatitaaffinnik kiffaanngissuseqarnernillu, nalunaarummi maani taaneqartunik, sutigulluunniit assersuutigalugu sumiuussuseq, ammip qalipaataa, suaassuseq, oqaatsit, politikkikkut allatigulluunniit isiginneriaaseq, perioriartorfik, pigisat, inunngorfik inuiaqatigiinniluunniit atorfik pissutigalugu immikkoortitsinertaqanngitsumik, peqarsinnaatitaavoq."¹

Naak nalunaarummi inuit tamarmik qanorluunniit suaassuseqaraluarunik naligiimmik inuttut pisinnaatitaaffeqaraluartut, taamaattoq nunarsuaq tamakkerlugu arnat annertuumik immikkoortinneqartarput. Taamaattumik Naalagaaffiit Peqatigiinni nunat ilaasortat arnat immikkoortinneqannginnissaannut inuiaqatigiinnilu naligiimmik periarfissaqarnerisa qulakkeerneqarnissaannut immikkut imminnut pisussaaffilertariaqarsimapput. Taamaalilluni arnanik immikkoortitsinernik sunilluunniit atorunnaarsitsinissaq pillugu Naalagaaffiit Peqatigiit isumaqatigiissutaat, - Arnat Pisinnaatitaaffii pillugit Isumaqatigiissut pilersinneqarpoq².

Arnat Pisinnaatitaaffii pillugit Isumaqatigiissut sioqqullugu suliaq annertuvoq. Naalagaaffiit Peqatigiit Arnat pillugit Ataatsimiititaliarsuat (Commission on the Status of Women, CSW) 1946-mili pilersinneqarsimavoq, isumaqatigiissutilu pilersinneqarnissaata tungaanut ataatsimiititaliarsuaq naligiissitaanissamut arnallu pisinnaatitaaffiinut tunngasutigut suliaqarsimavoq³.

ARNAT PISINNAATITAAFFII PILLUGIT ISUMAQATIGIISSUT CEDAW

Arnat Pisinnaatitaaffii pillugit Isumaqatigiissut susasaqarfinni arlaqartuni arnat naligiissitaanissaannik imaqarpoq, ilanngullugit politikkikkut, aningaasaqarnikkut, inuttut atukkatigut kulturikkullu. 18. december 1979-imi akuersissutigineqarpoq, 3. september 1981-imilu atuutsinneqalerluni. 7. april 1983 Danmarkimi Folketingimit ilannguffigineqarpoq. Nunatsinnut tunngatillugu nangaassuteqarani akuersissutigineqarpoq, taamaalillunilu isumaqatigiissut nunatsinnuttaaq atuutilerpoq. Naalisaaneq CEDAW tuluttut tassaavoq, Convention on the Elimination of all forms of Discrimination Against Women - arnanik immikkoortitsinernik sunilluunniit atorunnaarsitsinissaq pillugu isumaqatigiissut.

Arnat Pisinnaatitaaffii pillugit Isumaqatigiissut nunat 180-it sinneqartut akuersissutigereerpaat. Nunat Isumaqatigiissummut akuersissuteqartut namminneq nunaminni pisinnaatitaaffinnik Isumaqatigiissummi nassuarneqartutut ataqqinninnissamik, illersuinissamik, siuarsanissamik eqquutsitsinissamillu imminnut pisussaaffilerput. Arnalli Pisinnaatitaaffii pillugit Isumaqatigiissut tassaavoq nangaasutut pissuseqarfingineqarnerpaajusoq, tassa imappaq nunat ilaat isumaqatigiissummi immikkoortut ilaannik malinninninnginnissaminnut pisinnaatinneqarusuttut, taamaattumillu isumatigiissummut tamakkiisumut malinninnissaminnut pisussaaffilinngitsut. Isumaqatigiissut tamakkiisoq Kalaallit Nunaata ilannguffigivaa.

Allatut oqaatigalugu, arnat angutillu akornanni malunnaatilimmik naligiissitsinissap angunissaanik, suaassutsit akornanni assigiinngisitsinerup nungutinnejarnissaanik, naalagaaffiillu taakku piviusunngortinnissaannut imminnut pisussaaffilernissaannik,

tunaartaqarluni pisinnaatitaaffit nassuiardeqarput. Arnat Pisinnaatitaaffii pillugit Isumaqatigiissut tamakkiisoq, pisinnaatitaaffit nakkutilleeriaatsillu ilanngullugit, immikkoortunik 30-iusunik imaqarpoq. Naqitami matumani pisinnaatitaaffit immikkoortui ataasiakkaarlugit nassuiangilagut, toqqammaviilli pingasut artikilit ilaannut attuumassuteqartut aallaavigalugit nassuiassavagut. Naalagaaffiup pisussaaffiinut tunngasut aallarniutigissavagut.

NAALAGAAFFIUP PISUSSAAFFII

Inuit Pisinnaatitaaffii pillugit Isumaqatigiissut, kiisalu pisinnaatitaaffit imarisai pineqartillugit malinninnissamut akisussaasusoq tassaavoq naalagaaffik. Taamaattumik isumaqatigiissutip immikkoortuinut tamanut naalagaaffik pisussaaffeqarpoq. Nunat tamalaat isumaqatigiissutaanni nunakkaartumik qanorpiaq malinninnissamut najoqqtassiaqanngilaq, naalagaaffilli naleqquttunik inatsisiliussinissamut isumaqatigiissummiu pisinnaatitaaffit malillugit eqquutsinniarnissaanut pisussaaffeqarpoq. Nunat ilaasortat assigiinngiilaartorujussuarmik aaqqiisinnaasarput.

Tassa artikilini kalaallit oqartussaatitaasa, Naalakkersuisut aamma Inatsisartut, naligiissitaanermik suaassutsillu akornanni assigiinngisitsinerup nungutinneqarnissaanik qanoq suliaqarnissaannik nassuaasoqarpoq. Arnat Pisinnaatitaaffii pillugit Isumaqatigiissummi artikel 2-mi Naalakkersuisut isumaqatigiissummik akuersissuteqarnermikkut arnanik immikkoortitsinernut sunulluunniit assuarlissallutik nangaassuteqaratillu arnanik immikkoortitsinernik atorunnaarsitsinissamik siunnerfilinnik politikkeqarnissamut akuersaartut nassuiardeqarpoq⁴. Tamanna oqartussanit ima isumagineqarsinnaavoq:

- Arnat angutillu naligiissitaanerat inatsisitigut qulakkeerlugu.
- Arnanik immikkoortitsisunut peqataannginnikkut, pisortallu suliffeqarfiillu pisortanit ingerlanneqartut tamatuminngattaaq malinninnissaat qulakkeerlugu.
- Inatsisink, aalajangersakkanik ileqqunilu arnanik immikkoortitsinermik nassataqartunik atorunnaarsitsinikkut.

Isumaqatigiissummittaaq nassuiardeqarpoq oqartussat pisani immikkuullarissuni suliniuteqassasut. Assersuutigalugu artikel 6-imni naalagaaffiup arnanik nioqquteqarnerup atortittartuutillugillu atornerluinerup pinngitsoornissaa suliniutigissagaa, tamannalu inatsisiornikkut pinerusarpoq. Aammattaq isumaqatigiissummiippoq kalaallit oqartussaasa ilinniagaqarnissamut naligiinnik periarfissiinissaq qulakkiissagaat, ilinniagaqarnerullu iluani arnat immikkoortinneqannginnissaannut suliniuteqassasut.

Arnat Pisinnaatitaaffii pillugit Isumaqatigiissutip ilumut malinneqarneranik alaatsinaattussatut NP-it Arnat pillugit komitéat pilersinneqarsimavoq. Komitémit ukiut sisamakkaartumik soraarummeersitserpalaartumik nunat iliuusaat misissuataarneqarlutilu naliliiffigineqartarput. Tassani nunat Arnat Pisinnaatitaaffii pillugit Isumaqatigiissummiq qanoq eqquutsitsinerlutik saqqummiisarput, allattaaq attuumassuteqarsinnaasut aamma isummaminnik saqqummiussisinnaatitaapput - assersuutigalugu pisinnaatitaaffinnut suliffeqarfiit nunamilu NGO't qanoq nunap eqquutsitsineranut tunngasutigut oqaaseqarsinnaasut. Kingorna NP-

it Arnat pillugit komitéanit arnat pisinnaatitaaffiinut atatillugu naalagaaffiup pitsangorsaatigisinjaasai inassutigineqartarput.

Tamatuma saniatigut Kalaallit Nunaanni pisinnaatitaaffiit pillugit suliaqartunit allanit alaatsinaanneqartarput. Nali - Kalaallit Nunaanni Naligiissitaanissamut Siunnersuisoqatigiit, (Ligestillingsrådet) kalaallini inuiaqatigiinni angutit arnallu naligiissinneqarnissaannut siuarsasussatut suliassaqarput. Tamanna ilaatigut ukua aqqutigalugit pisarpoq:

- Angutit arnallu naligiissitaanissaat pillugu Inatsisartut inatsisaat nr. nr. 3, 29. november 2013-meersoq eqquutsinnejarnersoq nakkutigineratigut.
- Naligiissitaaneq pillugu paassisutissaliornikkut oqallinnernillu aallarniisarnikkut.
- Pisortatigut aqtsisoqarfinnut, namminersortunut inuiaqatigiinnilu inunnut ataasiakkaanut siunnersorsitut atuunnermikkut.
- Naligiissitaanerup iluani pisani oqartussanut isumassarsianik siunnersuutinillu suliaqarnermikkut.
- Suliffeqarfeqarnermi akissaatitigut naligiinnissaq suaassutsillu aallaavigalugit immikkoortitsinnginnissat sulissutigalugit.

MALUNNAATILIMMIK NALIGIISSUSEQ

Suaassutsit akornanni malunnaatilimmik naligiissuseq angussagaanni arnanut immikkoortitsineq atorunnaarsinneqartariaqarpoq. Arnat Pisinnaatitaaffii pillugit Isumaqatigiissummi artikel 1-imni arnanut immikkoortitsinerup suunera ima nassuiarneqarpoq:

"Suaassutsit akornanni immikkoortitsinerit suulluunniit arnat angutitulli politikkikkut, aningaasaqarnikkut, inuttut atukkutigut, kulturikkut, innuttaasutut allatigullu inuttut pisinnaatitaaffe qarnerannik iluaquteqarsinnaanerannillu toqqammavinnik suusupaginninnermik siunertallit "arnanik immikkoortsitsinermi" pineqarput."

Naligiimmik pineqarnissami inuit naliginnaasumik pisinnaatitaanerat tunngaviuvoq. Tassa imaappoq inuit tamakkerlutik naligiimmik inuit pisinnaatitaaffiinik atuilluarsinnaatitaasut. Naligiissutsimi tunngaviit malinneqarnissaanni pisat assigiinngitsorpassuit suliaqarfingeqaqqaartussaapput. Naalakkersuisut Inatsisartullu ilaatigut makkuninnga suliaqassapput:

- Isummat pigiliutiinnakkat, ileqqut pissusilersuutilu suaassutsinut aalajangersimasunut atuuttussatut isigisat iml. suaassutsip aalajangersimasup arlaminit naleqarneruneranik paasinnittariaatsimik aalajangiusimatseqataasut Naalakkersuisut sapinngisartik tamaat atorunnaarsinniarsarissavaat.
- Inuiaqatigiinni anaanaanerup pisariaqartinneqarneranik nuna tamakkerlugu atuartitsinerni paasisaqartitsinissaq qulakkiissallugu. Qitorallu perorsarneqarneranni ineriartortinnerannilu angutit arnallu akisussaaqatigiinnerat akuersorlugu.
- Ilinniagaqarfinni, soorlu atuakkat atuartitsissutit misissuataarnerisigut, angutit arnallu suliassaattut isigineqartunut tunngasut piiassallugit.

Aammattaaq aningaasaqarnikkut, inuttut atukkatigut kulturitigullu pisinnaatitaaffit eqqarsaatigalugit isumaqtigiissummi arnanut suaassutsillu akornanni assigiissutsimut tunngasutigut ukkassisoqarpoq. Ataani assersuutit arlallit taakkartorneqarput.

- Suaassutsit akornanni naligiissitaaneq tunngavigalugu arnat sulisinnaanermut, naligiimmik akissaateqarnermut suliallu assigiitsillugit naligiimmik akilerneqartarnissamut pisinnaatitaaffeqarneri Naalakkersuisuniit qulakkeerneqassapput.
- Sulisinnaanermut pisinnaatitaaffimi assersuutigalugu pineqarpoq, Namminersorlutik Oqartussat naartuneq imaluunniit erninermut atatillugu sulinngiffeqarneq pissutigalugit soraarsitsinissanik inerteqqummik suliniuteqassasut - tassa arnat suliffeqarsinnaatitaanerat illersorlugu anaanaanerlu pissutigalugu immikkoortinnejangannginnissaq pinaveersimatinniarlugu. Arnattaaq naartugunik uppernarsarneqarsinnaasutigullu ajoqtaasinnaasumik suliaqarunik immikkut illersorneqarnissamut pisinnaatitaaffeqarput.
- Peqqinnissamut pisinnaatitaaffeqarnermi nakorsarneqarnissamut peqqissarneqarnissamullu naligiimmik pisinnaatitaaffeqartoqarpoq. Tassa imaappoq qanorluunniit suaassuseqaraluaraanni peqqinnissaqarfik tamanut atuutissasoq, peqqinnissaqarfimmilu arnat immikkoorteqquusaanngitsut.
- Aningaaserivinni aningaasanik atorniarluni taarsigassarsinissamut isumaginninnikkullu ikorsiissutisinissamut arnat naligiimmik pisinnaatitaanissaat qulakkeerneqassaaq. Tassa imaappoq atukkerneqarnermi ikorsiissutinilu qanorluunniit suaassuseqarneq apeqquaassanngitsoq.
- Kulturimut timersornermullu tunngasuni arnat peqataasinnaanerat aamma aningaasaqarnikkut, inuttut atukkatigut kulturitigullu pisinnaatitaaffeqarnermut tunngasuovoq, tassa imaappoq kulturip iluani suaassutsit tamarmik naligiissasut, arnallu kulturikkut pisunit mattunneqarsinnaanngitsut.
- Aammattaaq Arnat Pisinnaatitaaffii pillugit Isumaqtigiissummiippoq arnat avinngarusimasuni najugallit immikkoortinnejangannginnissaannut naalagaaffik illersuissasoq, najugaqarfimmennilu pilersaarutinut pisinnaatitaaffeqarnerat qulakkeerneqassasoq.
- Aammattaaq arnat taakkua naleqquttunik inuuniarnikkut atugassaannut naalagaaffik immikkut akisussaaffeqarpoq. Tamassuma ataaniipput najukkamut, peqqinnissamut, innaallagissamut imermillu pilersorneqarnermut, angallannermut kiisalu attaveqaqtigiinnernut tunngasut. Eqqaaneqartutut aalajangersimasumik periaaseqartoqanngilaq, Naalakkersuisulli Inatsisartullu pisinnaatitaaffimmik tamatuminnga sapinngisamik malinnissapput.

**Arnat angutillu naligiissinnerisigut
arnanillu immikkoorsitsinerup
atorunnaarsinneragut Naalakkersuisut
qulakkiissavaat ass. isumaginninnikkut
ikorsiissutisinissamut, aningaaserivimmi
atingaasanik atorniarluni
taarsigassarsinissamut sammisanilu
kulturimut timersornermullu tunngasuni
peqataanissamut arnat angutitulli
periarfissaqalernerat.**



IMMIKKOORTINNEQARNISSLAP INERTEQQUTAANERA

Immikkoortinneqarnissamut inerteqqut Arnat Pisinnatitaaffii pillugit lsumaqtigisummi pisani utikattuuvoq. Tunngavik lsumaqtigisummi ima nassuiarneqarsimavoq:

"[...] angutit arnallu aningaasaqarnikkut, isumaginninnikkut, piorsarsimassutsikkut, innuttaasutut politikkullu pisinnatitaaffiit tamaasa naligiimmik iluaqutigisinnanissaat qulakkiissallugu naalagaaffiit nunat tamalaat akornanni inuit pisinnatitaaffiinik lsumaqtigisutinut peqataasut pisussaaffigigaat,"⁵

Tassa imaappoq, Naalagaaffiup lsumaqtigisut tamakkiisumik ilannguffigippagu immikkoortitsequsaannginnej uppernarsarneqartoq, taamatullu inuit tamarmik naligiittut kiffaanngissuseqartutullu inunngorsimasut, sukkulluunniillu immikkoortinneqannginnissamut pisinnatitaaffeqartut⁶.

Inerteqqummi Naalakkersuisut aamma Inatsisartut pisani arlalissuarni sulissuteqarnissamut pisussaaffilerput. Immikkoortinneqarnissamut inerteqqut pineqartillugu inatsisit innuttaasunut tunngasut oqartussanit qulakkeerneqarnissaat pingaaruteqarpoq. Tassa oqartussanit ilaatigut ukua qulakkeerneqassapput:

- Arnat angutillu inatsisitigut naligiissitaanissaat.
- Pigisanut tunngatillugu lsumaqtigisut eqarsinnaanermut atuisinnaanermullu arnat naligiittumik pisinnatitaanissaat.
- Eqqartuussivinni arnat sutigut tamatigut angutitulli pineqarnissaat.
- Allakkiat inatsisinut inunnnulluunniit ataasiakkaanut tunngasut, arnat inatsisitigut iliuuseqarsinnaanerannik annikillisaanissamik siunertaqartut tamarmik atunngitsutut isigineqarnissaat.
- Angutit arnallu sumiluunniit angalasinnaanerminnut sumiluunniillu najugaqarsinnaanerminnut tunngatillugu assigiinnik pisinnatitaaffeqarnissaat.

Tamakkua saniatigut Arnat Pisinnatitaaffii pillugit lsumaqtigisummi pineqartut pingaaruteqartut allat innuttaasunut politikkullu pisinnatitaaffinnut tunngasuupput, taakkulu kalaallit oqartussaasa sulissutigissavaat, uku ilanngullugit:

- Politikkukut pisortatigullu inuuneqarnermi arnat immikkoortinneqartarnerannik atorunnaarsitsineq.
- Arnat angutitulli ukunani akuusinnaatitaanerat qulakkeerlugu:
 - Pisortat qinersisitsineranni innuttaasullu taasitinneqarneranni tamani qinigassanngortissinnaatitaaneq.
 - Pisortat qinersisitsineranni innuttaasullu taasitinneqarneranni tamani qinersisinsinnaatitaaneq.
 - Naalakkersuisut politikiannik ilusilersueqataallunilu piviusunngortitseqataasinnaatitaaneq.
 - Pisortatigut atorfanni suniluunniit qaffassisstsinilu tamani atorfqarsinnaatitaaneq.
 - NGO-ni peqatigiiffinnilu pisortatigoortuni politikkitigoortunilu, ingerlatsivinni assigisaannilu peqataasinnaatitaaneq.

-
- Naalakkersuisut sinnerlugit nunani tamalaani sinniisuuusinnaatitaaneq, aammalu angutit naligalugit immikkoortinneqaranilu nunani tamalaani kattuffiit suliaanni peqataasinnaatitaaneq qulakkeerlugu.
 - Suliffeqarfeqarnermi angutitulli pisinnaatitaaffeqarnissaq qulakkeerlugu arnallu immikkoortinneqartarnerat atorunnaarsillugu.
 - Arnat angutitulli naalagaaffimmi innuttaassumvik pissarsisinnaanerat, allangortitsisinnaanerat iml. attassiinnarsinnaanerat akuersorlugu.
 - Arnap naalagaaffimmi innuttaassutaata katinnikkut, iml. uiusup naalagaaffimmi innuttaassutaata allannguiteqarneratigut sunnerneqarsinnaannginnissaa qulakkeerlugu.
 - Angajoqqaatut akisussaaneq, angajoqqaatut akisussaatitaaneq meeravissiartaarnerlu eqqarsaatigalugit suaassutsit tamarmik naligiimmik pisinnaatitaaffeqarnissaat qulakkeerlugu.

Aammattaaq ilaqtariinnermut appariinnermullu atatillugu suaassutsit akornanni immikkoortitsisoqannginnissaa Naalakkersuisunit Inatsisartuniillu qulakkeerneqassaaq. Tamanna suaassutsit makkuninnga pisinnaatitaaffeqarnerisigut qulakkeerneqarsinnaavoq:

- Katissinnaanermut assigiinnik pisinnaatitaaffeqarnikkut.
- Kina katissanerlugu aatsaallu piumaneq aallaavigalugu aalajangiisinnaatitaanikkut.
- Appariinnermi tamassumalu taamaatinneqarnerani assigiinnik pisinnaatitaaffeqarnikkut akisussaaffeqarnikkullu.
- Angajoqqaatut assigiinnik pisinnaatitaaffeqarnikkut akisussaaffeqarnikkullu. Meeqqat pisariaqartitaat sallutinneqartuaannarpuit.
- Qassnik qitorninissamut qanorlu akuliksiginissaannut assigiinnik pisinnaatitaaffeqarnikkut. Kiisalu pisinnaatitaaffimminkut atuinissaminut paassisutissatigut, ilinniartitaanikkut atortutigullu assigiimmik pissarsisinnaanissaat, assersuutigalugu naartunaveersaatit eqqarsaatigalugit.
- Utut nuliatullu inuttut assigiinnik pisinnaatitaaffeqarnissaat, qanoq kinguliaquteqarnissamut, inuuniuteqarnissamut suliffeqarnissamullu aalajangiisinnaatitaaneq ilanngullugit.
- Piginnittuusinnaanermut pigisanillu atuisinnaatitaanermut appariit tamarmik naligiimmik pisinnaatitaaffeqarnerisigut.

2

ARNAT NAKUUSERFIGINEQARTARNERANNIK ANGERLARSIMAFFINNILU NAKUUSERTOQARTARNERANIK PINAVEERSAARTITSINISSAQ AKIUINISSARLU PILLUGIT EUROPARÅDIP ISUMAQATIGISSLUTAA



Naligiissitaaneq arnallu pisinnaatitaaffii pineqartillugit Arnat nakuuserfigineqartarnerannik angerlarsimaffinnilu nakuusertoqartarneranik pinaveersaartitsinissaq akiuinissarlu pillugit Europarådip lsumaqtigiissutaa taamatuttaaq pingaaruteqarpoq. Taanna ulluinnarni Istanbulkonventionenimik taaneqartarpoq, Istanbulimimi 11. maj 2011-mi pilersinneqarpoq. 2022-mi Inatsisartut isumaqtigiiffiusumik Istanbulkonventioni ilannguffigivaat, Kalaallit Nunaannilu atuutilerpoq. Arnat Pisinnaatitaaffii pillugit lsumaqtigiissut assigalugu naalagaaffik, tassalu nunatsinni oqartussat, isumaqtigiissutip tamatuma malinneqarnissaanut akisussaasuupput.

SIUNERTAQ

Isumaqtigiissutip siunertarivaa arnanut angerlarsimaffinnilu nakuusertarnernut pinaveersaartitsinissaq akiuinissarlu, taamatullu nakuusertarnerup suugaluartulluunniit akuerineqannginneranik atuutsitsilernissaq. Immikkoortuni tallimani isumaqtigiissutip siunertaa nassuiardeqarpoq, tassalu:

- Arnat qanorluunniit nakuuserfigineqartut illersussallugit, taamatullu arnanut angerlarsimaffinnilu nakuusernerit pinaveersimatissallugit, eqqartuussissutigoortumik sulissutigissallugit atugaajunnaarsissallugillu.
- Arnat qanorluunniit immikkoortinneqartarnerannik unitsitsinissamut peqataassalluni, taamatullu suaassutsit akornanni ilumut naligiinnermik siuarsaassalluni, arnat namminersorsinnaanngornissaannut ikuunnissaq ilanngullugu.
- Arnat angerlarsimaffinnilu nakuusernerit eqqugaasut illersorneqarnissaannut ikorneqarnissaannullu sinaakkutit, politikkit aaqqiinerillu annertuut pilersissallugit.
- Arnat nakuuserfigineqartarnerat angerlarsimaffinnilu nakuusernerit taamaativinneqarnissaat anguniarlugu nunani tamalaani suleqatigiinnermik siuarsaassalluni.
- Arnanut nakuusertarnerup angerlarsimaffinnilu nakuusertoqartarnerata taamaativinneqarnissaanut kattuffit inatsisinilu aalajangikkanik atortitsiniaasartut suleqatigiilluarnissaannut tapersorsorneqarnissaat ikorneqartarnissaallu isumagissallugit⁷.

Naalagaaffiit Peqatigiit naapertorlugit suaassutsit akornanni nakuusertarneq nunarsuaq tamakkerlugu⁸ inuit pisinnaatitaaffiisigut unioqquitsiffiunerpaaasarpooq. Suaassutsit akornanni nakuuserneq tassaavoq "arnamut suaassusaa aallaavigalugu nakuuserneq, iml. nakuuserneq arnanik annertuumik eqquisoq. Arnanut nakuusernerit tassaagajuttarput aapparmit nakuuserfigitinnerit, pinngitsaaliiinkut atoqatigineqarneq, malersugaanerit, kinguaassiutit aallaavigalugit akornusersorneqarnerit, niviarsiaqqanik kinguaassiutaasigut ilanngaanerit, pinngitsaalismik katitinnejcarnerit ataqqinassutsimillu innarligaasutut misigisimanermi nakuusernerit nakkutillinerillu".⁹

Istanbulkonventioni nakuusernernut sunulluunniit akiuinissami sakkussaavoq pingaaruteqartoq, tassanimi nunat ilanngussimasut pisussaaffilerneqartarput, ukuninnga:

- Nakuusernerit suaassutsimik aallaavillit pineqaatissutigineqartarnissaannut.
- Nakuuserfigitittunut sullisisunut ilinniartitsinerit.
- Suaassutsit aallaavigalugit nakuusernerit pillugit paasissutissanik katersinerit.
- Eqqorneqartut ikiornissaat illersornissaallu. Isumaqtigiisummi immikkut eqqaaneqarpoq arnanut qimarnguinnut pilersitsinissanut aningaasaliinissanullu pisussaaffeqartoqartoq.

Isumaqtigiisummi arnat niviarsiaqqallu tamarmik pineqarput, tassa tunuliaquattat, ukiut, upperisaq, inuttut atukkatigut inissisimaffik, nunasisimasuuneq suaassutsikkulluunniit sumut sammisuuneq apeqqutaatinnagit. Naalagaaffiilli isumaqtigiisummut ilanngussimasut kikkunnulluunniit angerlarsimaffinni nakuusernernit eqqugaasimasunut isumaqtigiissutip atuutsinneqarnissaanik kajumissaarneqarput, assersuutigalugu inuit innarluutillit, angutit, meeqqat utoqqaallu eqqarsaatigalugit.

ISUMAQATIGIISSTIP IMARISAA NUTAALIORFIUSOQ

Isumaqtigiisummi timikkut nakuuserfigitinneq pineqaannanngilaq, aammali tarnikkut, atoqatigiinnertigut aningaasatigullu 'nakuuserfigitinnerit' pineqarlutik. Isumaqtigiisummi nakuuserneq ima nassuiarneqarpoq:

"Inuit pisinnaatitaaffiinik unioqqtitsinertut aamma arnanik assigiinngisitsinertut pissuseqartutut "arnanut nakuuserneq"-mik taaguut isumaqtigiisummi ima nassuiarneqarpoq, - suaassuseq pissutigalugu nakuusernerit suugaluartulluunniit tamarmik ilaapput, taakkulu arnat naalliuutaasunik timikkut, kinguaassiuutitigut, tarnikkut imaluunniit aningaasaqarnikkut ajoquserneqarnerattut, matumanit tamanut ammasuni angerlarsimaffinnilu tamanna pisareri ilanngullugit, taamaaliorfigineqarnissamut qunusaarneqarnertut, pinngitsaaliiineqarnertut imaluunniit nalaatsornikkut kiffaanngissusiiaganernik kinguneqartutut imaluunniit qularnanngitsumik kinguneqartussatut paasineqassalluni,"¹⁰

Timikkut nakuuserfigitinneq tassaavoq timimik attuineq inuup innarligassaannginneranik eqquisoq ersinermik anniarnermillu kinguneqartoq iml. inummik ajoqusiisoq. Timikkut nakuuserfigitinnermi anniarneq kinguneringartarpooq. Tassaasinjaapput patitsineq, ajatsineq, isimmtsineq, iikkamut igeriussineq majuartarfikkulluunniit nakkakattartitsineq, qimitseriarneq, savimmik kapisineq sakkumilluunniit atortoqarneq.

Kinguaassiutitigut nakuuserfigitinneq tassaavoq atoqatigiinnikkut pinerluffigisap piumangisaanik pinngitsaalineqarneq. Pinngitsaaliiineq kinguaassiutitigut nakuusernermut ilaavoq, inummillu ulorianartorsiortitsisuusutut pinerluffigitinnertut ajornerpaanut ilaalluni. Aammattaaq akilersilluni atoqateqarnissamut pinngitsaaliiineq kinguaassiutitigut nakuusernuvoq.

Tarnikkut nakuusernermi nakkutilliinermik pissaanermillu pigisaqarneq pineqarpoq, tassa alla piumanngitsoq pinngitsaalismik iliuuseqartillugu iml. iliuusererusaanik iliuuseqartinngitsoortillugu. Tarnikkut nakuuserneq ertsuaannangnilaq. Tarnikkut nakuuserfigitittooq qanoq aalajangiinissaminut imminut tatigiunnaartarpooq, taamaanneranilu appariinnermiiginnartarluni. Peqqinnanngitsumik nakkutiginninneq, malersuineq digitalitigullu 'nakuuserneq' tassaapput tarnikkut 'nakuusernerit'.

Aningaasatigut 'nakuusernermi' pineqarput allap aningaasaataanik nakkutilliineq pissaanermillu pigisaqarneq. Tamanna nammineq aningaasaatinik atueqqusaannginnertut isumaqarsinnaavoq, iml. aningaasat nammineq isertitat tunniuttariaqarnerannik, namminerlu nerisassarsiniutissanik kaasarfimmussanillu qinnuloortariaqarnermik isumaqartoq.

Istanbulkonventioni naapertorlugu iliuutsit arlaqartut pineqaatissiissutaasinnaapput, nunallu ilannguttut iliuutsit taakkua pineqaatissiissutaasinnaanngornissaannut sulissuteqassasut iml. allatigut eqqartuussivitsigoortumik pineqaatissiissutaasinnaanngornissaannut, piumaffigineqarput. Tassa imaappoq Kalaallit Nunaata isumaqatigiissut ilannguffigigamiuk, taava eqqartuussivitsigoortussatut unioqqutitsinerit ukua pineqaatissiissutissanngortissagaat:

- Angerlarsimaffimmi nakuusernerit (timikkut, kinguaassiutitigut, tarnikkut aningaasaqarnikkulluunniit nakuusernerit).
- Malersuinerit.
- Kinguaassiutitigut nakuuserneq, pinngitsaaliiineq ilanngullugu.
- Kinguaassiutitigut malersuineq.
- Pinngitsaaliiissutitut katinneq.
- Arnat kinguaassiutaannik innarliineq.
- Pinngitsaalismik naartuersinnej kinguaassiorsinnaajunnaarsitaanerlu.

Isumaqtigiissummi naqissuserneqarpoq arnanut nakuuserneq aamma angerlarsimaffimmik arnanut nakuuserneq tassaannngitsut allat susassarinngisaat. Angerlarsimaffiuup iluani ilaqtutamit apparmilluunniit nakuuserfigitinneq ilaqtariinnut tupannarluinnartuuusinnaavoq. Taamaattumik isumaqtigiissummi artikel 46-mi nassuiarneqarpoq, nakuusertoq apparisaappat iml. ilaquaappat taava sakkortunermik pineqaatissinneqarsinnaasoq.

Isumaqtigiissut arlalitsigut nutaaliornertaqarpoq:

- Isumaqtigiissut naapertorlugu arnanut nakuuserneq inuit pisinnaatitaaffiinik unioqqutitsineruovoq, immikkoortitsinertullu isigineqarsinnaalluni.
- Isumaqtigiissut nunat tamalaat akornanni isumaqtigiissutinit siullersaalluni 'suaassutsimik' nassuaanertaqarpoq. Isumaqtigiissummi akuersaarneqarpoq arnat angutillu sananeqaatimikkut assigiinngiinnaristik aammattaaq suaassuseq sunaluunniit inuit inooqatigeeriaasiannit nassuiarneqalersartoq. Taamaannerani arnat angutillu immikkut atuuffeqalersarput pissusilersuuteqalerlutillu, arnanut nakuusernerup akuerineqarneranik kinguneqarsinnaasumik.
- Arnanut nakuusernerit angerlarsimaffinnilu nakuusernerit ataqtigiissaakkamik akiorneqarnissaat qulakkeerniarlugu suleqatigiinnerunissamik kiisalu naalagaaffimmik suleqataasussat tamakkerlugit peqataatinneqarnissaannut isumaqtigiissut kajumissaaruteqarpoq.

INNUTTAASUT AKORNANNI ISUMMAMIK ALLANGORTITSINEQ

Istanbulkonventionimi naligiinnermut tunngasut sammineqartillugit nakuusernerup pilersarneranut naligiinnginnejq suaassutsillu akornanni naqisimannittumik pissuseqarneq, taamatullu arnanut nakuusernerit akuersaarneqarnerinut, pissutaqaatasut ilagaat. Taamaattumik isumaqtigiissummi nakuusernerup akuerinngilluinnarneqarnissaa, innuttaasunilu ataasiakkaani isummat allangornissaat ukkanneqarpoq. Isumaqtigiissummi artikel 12 peqqusivoq, naalagaaffiit isumaqtigiissummut ilannguttut ima iliuuseqassasut:

"Isummat pigiliutiinnakkat, ileqqut, ilitsoqqussat aamma pisartut allat arnat nikanarnerunerannik imaluunniit arnat angutillu allanngujuitsumik inissisimanerannik takorluuinermik tunngaveqartut pillugit, arnani angutinilu inooqatigiinni kulturikkullu pissusilersuutit allangortinnissaat siuarsarniarlugu iliuutsit pisariaqartut peqataasut aalajangersassavaat."

Tassa imaappoq, ileqqut, isummat pigiliutiinnakkat pissutsillu allat arnat angutiniit appasinnerusutut inissinneqartarnerannik kinguneqartartut iml. arnanut immikkoortitsisuusut atorunnaarsinneqassasut. Tamanna ilaatigut imatut pisinnaavoq: 1) Nakuuseeriaatsit assigiinngitsut eqqorneqartumullu kingunerisartagaat ilisimaneqarnerulersillugit, 2) Pisortatigut ilinniartitsinermi naligiinnissamut tunngasut atuartitsissutigineqartarnerisigut kiisalu 3) innuttaasut tamakkerlugit angunissaanni NGO'-t, tusagassiutit kattuffiillu namminersortuusut suleqatiginerisigut.

KIA ISUMAQATIGISSLUT NAKKUTIGISSAVAA?

Nunat Istanbulkonventionimut ilanngussimasut ilumut malinninersut nakkutiginissaannut marloqiusamik nakkutilliinermut aaqqissuussaqarpoq. Nakkutilliisitat pisap iluani ilisimasaqarluartut arlannaannulluunniillu attuumassuteqanngitsut pilersinneqarput kiisalu naalagaafffiit isumaqatigiissummut ilanngussimasut pisortatigut sinnisaannik ilaasortaqaartumik politikkikut suleqatigiissitaqarluni.

Nunamili suleqataasut, soorlu IPS – Inuit Pisinnatitaaffii pillugit Siunnersuisoqatigiit kiisalu Nali - Kalaallit Nunaanni Naligiissitaanissamut Siunnersuisoqatigiit aammattaaq Istanbulkonventionip malinneqarneranut alaatsinaattuupput. Imaapporlumi Nali-mi suliassat ilaat Istanbulkonventionimut toqqaannartumik attuumassuteqartut, tassalu

- Arnat angutillu qangaaniit inissismaffisa kinguneqarnerluttut allanngortinniarnerini paassisutissiisassallutik.
- Pisortatigut suliaqarfii kattuffillu suaassut aallaavigalugu nakuusertarnerit akiornissaannittaaq siunertaqartut suleqatigalugit.

Ilumut allanngortitsinissami Arnat Pisinnatitaaffii pillugit Isumaqasigiissut aammalu Istanbulkonventioni nakkutilliinerillu allat sakkussaapput pingaaruteqartut. Kalaallit Nunaanni akuersissuteqarnissamut Inatsisip atuutsinnejalernera tamatumunnga assersuutissaqqissuuvoq.

3

AKUERSISSUTEQARNISSLAMUT INATSIT

Akuersissuteqarnermi arlaannut akuersineq pineqarpoq. Atoqatigiinnermut atatillugu nammineq aalajangikkamik toqqisisimanermik ataqqeqatigiinnermillu tunngaveqartumik atoqateqarnis-saq pineqarpoq, tassa tarnikkut timikkulluunniit pinngitsaaliinertaqanngitsumik. Akuersis-suteqarneq ataatsimut akisussaaffiuvoq, isumaqatigiinnissarlu pineqarluni. Akuersissuteqarneq tunuartinneqarsinnaajuaannarpoq. Naak aallaqqaammut atoqatigiinnissamik akuersis-suteqaraluarluni isummamik allanngortitsineq periarfissaajuaannarpoq, nassuaasoqartari-aqanngilarlu.

Kikkut tamarmik nammineq timimik atoqatigiinnermilu killinik aalajangiisinjaatitaapput, taamaattumillu atoqatigiinnikkut allat namminneq aalajangiisinjaatitaanerannik ataqqinnittuaan-narnissaq pingaaruteqarpoq.



Akuersissuteqarnissamut tunngaveqartumik kinguaassiutitigut pinngitsaaliiarnermut aalajan-gersagaq, ulluinnarni akuersissuteqarnissamut inatsit, Naalagaaffit Peqtigii Arnat pillugit Ko-mitéata aammalu nunani tamalaani inuit pisinnaatitaaffiinut maleruagassiat, ilaatigut Istanbulkon-ventionimi nassuiardeqarsimasut, inassuteqarnerisigut pinngortinneqarpoq.

2021-mi martsimi NP-it Arnanik assigiinngisitsisarnerit suulluunniit atorunnaarsinniarlugit komi-téat (Arnat Pisinnaatitaaffi pillugit Isumaqtigiissutip malinnejarnissaanut nakkutilliinermut atatil-lugu taaneqartoq) inassuteqarpoq Kalaallit Nunaata akuersissuteqarnissamut piumasaqaateqar-neranut kinguaassiutitigut pinngitsaaliiinermut aalajangersagaq ilanngunneqassasoq. Kalaallit Nunaannilu 1. juli 2023-mi akuersissuteqarnissamik aallaaveqartumik kinguaassiutitigut pinngit-saaliiinermut aalajangersagaq atuutsinneqalerpoq.

Akuersissuteqarnissamut inatsit Arnat Pisinnaatitaaffi pillugit Isumaqtigiissutip aamma Istanbul-konventionip nunatsinni atuunnerisa kingunerivaat, inuillu pisinnaatitaaffi pillugit isumaqtigiis-sutit pingaaruteqarnerannik, inuunitsinnilu ilumut sunniuteqarnerannik takutitsisuulluni.

Akuersissuteqarnissamut inatsit piunngikkallarmat kinguaassiutitigut pinngitsaaliiinermik eqqartuussinissaq ajornakusoornerusimavoq, kalaallimmi pinerluttulerinermut inatisaanni § 77-mi taamanikkut allassivoq "Pinngitsaaliiilluni atoqatiginninnermut eqqartuunneqassaaq kinaluun-niit:

1. nakuuserluni imaluunniit nakuusernissaq sioorasaarutigalugu pinngitsaaliiilluni al-latut kinguaassiuutitigut atoqateqartoq.
2. iliuutsimut akerlileeriarsinnaanngitsumik soriarsinnaanngitsumilluunniit kujannittoq allatulluunniit kinguaassiuutitigut atoqateqartoq.
3. meeqqamik 12-it inorlugit ukiulimmik kujannittoq imaluunniit kinguaassiuutitigut allatut atoqateqartoq"¹¹

Akuersissuteqarnissamut Inatsimmi tassuuna ima allannguuteqartoqarpoq:

"Pinngitsaaliiilluni atoqateqartutut pineqaatissinneqassaaq, atoqateqarsimasoq imal. al-latut akuerineqarani peqateqarsimasoq.

Imm. 2. Pinngitsaaliiilluni atoqatiginninnermut eqqartuunneqassaaq kinaluunniit meeqqamik 12-it inorlugit ukiulimmik kujannittoq imaluunniit kinguaassiuutitigut allatut atoqateqartoq«

Imm. 3. Pineqaatissiisummik aalajangersaanermi kanngunarsaaneq pineqartoq inatsisi-nik unioqqutitsinermut attuumassuteqartoq pingaartinneqassaaq, taamaliorneq 18-it inorlugit ukiulimmut iliuuserineqarsimappat"¹²

Akuersissuteqarnissamut inatsimmi ukiukitsut illorsorluarneqarnerulissapput, eqqugaasullu naammattumik akiuukkaluarsimanerannut, tamarmik illersuusersimanerannut atoqatigiinnerullu ilumut tamarmik piumasimanerannut tunngannginnerulissaaq. Tassa imaappoq, kinguaassiutitigut pinngitsaaliinermi nakuuserneq pinngitsaaliinerlu aallaaviunnaarlutik akuersisimannginnej aallaaviulersoq.

Tamanna tunngavigalugu pinngitsaolineqartoq eqqartuussivikkoortitsillugu ajunnginnerusunik atugassaqassaaq, paasiniaanertaanimi pillaasarnermilu suliassat akuersisimanermut namminerlu piumanermut samminerulissapput, eqqugaasup qanoq akiuussimaneranut tunngavallaarunnaarluni. Amnesty International naapertorlugu kinguaassiutitigut pingitsaolineqarsimasut pinngitsaaleriarneqartullu pisup nalaani "qerisutut" pissuseqartarput, itigartitsinatik akiuunnatillu, taamaattumillu akuersissuteqarnissamut inatsit akiuussimanngikkaluarluni kinguaassiutitigut pinngitsaolineqarsimanermut sakkussaavoq pitsaasoq.¹³

Aamma akuersissuteqarnissamut tunngasut sammineqarnerulererisigut eqqugaasut amerlanerit kinguaassiutitigut pinngitsaolineqarsimanernik politiinut nalunaarutiginninnissaat pisalersinnaavoq – tassa akuersissuteqarsimanngikkaanni pinngitsaaliinertut nalilerneqarnissaa ersarinnerulissammat.

Aalajangersaanikkutaaq atoqatigiinnikkut nammineerluni aalajangiisinnaatitaaneq taamatullu nammineq timimut aalajangiisinnaatitaaneq nukittorsarneqarpoq, atoqatigiinnermimi tamarmik piumanissaat naqissuserneqarpoq. Tassa imaappoq atoqatigiinniartut tamarmik akuersisimassasut.

Akuersissuteqarnermi arlaannut akuersineq pineqarpoq. Atoqatigiinnermut atatillugu nammineq aalajangikkamik toqqisisimanermik ataqqeqatigiinnermillu tunngaveqartumik atoqateqarnissaq pineqarpoq, tassa tarnikkut timikkulluunniit pinngitsaaliinertaqanngitsumik. Akuersissuteqarneq ataatsimut akisussaaffiuvoq, isumaqtigiiinnissarlu pineqarluni. Akuersissuteqarneq tunuartinneqarsinnaajuaannarpoq. Naak aallaqqammut atoqatigiinnissamik akuersissuteqaraluarluni isummamik allangortitsineq periafissaajuaannarpoq, nassuaasoqartariaqanngilarlu.

Kikkut tamarmik nammineq timimik atoqatigiinnermilu killinik aalajangiisinnaatitaapput, taamaattumillu atoqatigiinnikkut allat namminneq aalajangiisinnaatitaanerannik ataqqinnittuaannarnissaq pingaaruteqarpoq.

"1. juli 2023 akuersissuteqarnissamut inatsit atuutsinnejalerpoq. Atuutsinnejalerneratigut inuk kinaluunniit akuersisimanngitsoq atoqatigigaanni allatigulluunniit kinguaassiutitigut peqatigi-gaanni tamanna pinngitsaaliinertut isigineqalerpoq. Kinguaassiutitigut pinngitsaaliinermi pinn-gitsaaliineq iml. naaggaarnissamut pisinnaatitaaneq pineqanngillat. Akerlianik peqatigiit ilumut atoqatigiinniarlutik namminneq piumandersut pineqarpoq. Peqatigiit tamarmik akuersisimassap-put, akuersismanerlu atoqatiinneq allatigulluunniit kinguaassiutitigut peqatigiinneq tamakker-lugu atuutissaaq. Taamaanngippat kinguaassiutitigut pinngitsaaliineruvoq - tamannalu aappa-riikkaluaraanniluunniit atuuppoq."

Gutti Harryson, Kalaallit Nunaanni politiini unnerluussisoq.

3

APEQQUTIT EQQARSAATISSIONNUTIT

Apeqqutit ukua IPS-ip oqaloqatigiinnissamut apeqqutissianeersuupput, saqqummersitallu matuma imaanut tunngasutigut eqqarsaatersornermut atorneqarsinnaallutik.

1. Inuaqatigiinni suaassutsit assiginngitsut sutigut unammilligassaqarpat?
2. Atoqatigiinnikkut akuersissuteqarnissaq qanoq qulakkeerneqarsinnaava?
3. Nammineq timimut pisinnaatitaaffeqarneq qanoq isumaqarpa?
4. Naligiimmik pineqarnissap aammalu naligiissitaanerup suna assiginngissutigivaat?
5. Sooq nammineq timimut pisinnaatitaaffeqarneq pingaaruteqarpa?
6. Kalaallit Nunaanni naligiimmik pineqarnissaq qanoq eqqartorneqartarpa?
7. Sooq politikkip iluani suaassutsit naligiinnissaat pingaaruteqarpa

4

NALUNAARSUKKAT

- 1 FN's Verdenserklæring om Menneskerettigheder, artikel 2. Kan findes her: <https://humanrights.gl/da/menneske-rettigheder/verdenserklaeringen-om-menneskerettigheder>
- 2 Isumaqtigiissut tassaavoq nunat tamalaat akornanni isumaqtigiissut iml. isumaqtigiissutigisaq, nunat ilaasortaaasut malinninnissaannut malittarisassanik assigiissaanernillu imaqartoq.
- 3 <https://kvinderaadet.dk/>
- 4 Konvention om afskaffelse af alle former for diskrimination mod kvinder, artikel 2. Kan findes her: <https://humanrights.gl/da/udgivelser/fns-konvention-om-afskaffelse-alle-former-diskrimination-mod-kvinder>
- 5 Konvention om afskaffelse af alle former for diskrimination mod kvinder, præambel.
- 6 Konvention om afskaffelse af alle former for diskrimination mod kvinder, præambel.
- 7 Europarådets konvention til forebyggelse og bekæmpelse af vold mod kvinder og vold i hjemmet, artikel 1.1. Kan findes her: <https://humanrights.gl/da/istanbulkonventionen>
- 8 FN, <https://www.un.org/en/observances/ending-violence-against-women-day>
- 9 KVINFO Køn og Ligestilling, <https://kvinfo.dk/koensbaseret-vold/>
- 10 Europarådets konvention til forebyggelse og bekæmpelse af vold mod kvinder og vold i hjemmet, artikel 3a.
- 11 Den grønlandske kriminallov, kapitel 18, § 77 før vedtagelsen af Samtykkebaseret voldtægtsbestemmelse
- 12 Den grønlandske kriminallov, kapitel 18, § 77 efter vedtagelsen af Samtykkebaseret voldtægtsbestemmelse
- 13 Amnesty International, <https://amnesty.dk/god-nyhed-groenland-indfoerer-samtykkelov/>

